

მცხეთის მუნიციპალიტეტის საკრებულო

გ ა ნ კ ა რ გ უ ლ ე ბ ა № 10

2011 წლის 21 იანვარი

ქ. მცხეთა

არასამეწარმეო (არაკომერციული) იურიდიული პირის _

“მცხეთის უფასო სასადილო მზრუნველობამოკლებულთათვის” _დაფუძნების და მისი წესდების
დამტკიცების შესახებ

„ადგილობრივი თვითმმართველობის შესახებ“ საქართველოს ორგანული კანონის მე-16 მუხლის
2-ე პუნქტის „ზ“ ქვეპუნქტის, 22-ე მუხლის პირველი პუნქტის „ჩ“ ქვეპუნქტის და 43-ე მუხლის მე-3
პუნქტის „ბ“ ქვეპუნქტის შესაბამისად,

1. დაფუძნდეს არასამეწარმეო (არაკომერციული) იურიდიული პირი -“მცხეთის უფასო სასადილო
მზრუნველობამოკლებულთათვის” და დამტკიცდეს მისი წესდება დანართის შესაბამისად.
2. განკარგულება ძალაშია გაცნობისთანავე.
3. განკარგულება შეიძლება გასაჩივრდეს მცხეთის რაიონულ სასამართლოში ერთი თვის ვადაში.
მცხეთა, სამხედროს ქუჩა №17.

საკრებულოს თავმჯდომარე

ანდრო კალანდაძე

დანართი 1

დამტკიცებულია მცხეთის მუნიციპალიტეტის საკრებულოს

2011 წლის 21 იანვრის #10 განკარგულებით.

არასამეწარმეო (არაკომერციული) იურიდიული პირის

“მცხეთის უფასო სასაბუღალტრო მზრუნველობამოკლებულთათვის”

წესდება

მუხლი 1. არასამეწარმეო (არაკომერციული) იურიდიული პირი “მცხეთის უფასო სასაბუღალტრო ... მზრუნველობამოკლებულთათვის”:

1 “მცხეთის უფასო სასაბუღალტრო ... მზრუნველობამოკლებულთათვის” (შემდგომში-სასაბუღალტრო) არის კერძო სამართლის არასამეწარმეო (არაკომერციული) იურიდიული პირი, რომელიც შექმნილია “ადგილობრივი თვითმმართველობის შესახებ” საქართველოს ორგანული კანონის საფუძველზე, საქართველოს კანონმდებლობის მოთხოვნათა შესაბამისად და მისი მიზანია მცხეთის მუნიციპალიტეტში მოსახლეობის სოციალურად დაუცველი ფენის კვება.

.2 სასაბუღალტროს დამფუძნებელია მცხეთის მუნიციპალიტეტი.

3 სასაბუღალტრო შექმნილია განუსაზღვრელი ვადით.

მუხლი 2. სახელწოდება, იურიდიული მისამართი და სტატუსი:

1 სასაბუღალტროს თავის საქმიანობაში ხელმძღვანელობს საქართველოს კონსტიტუციით, საქართველოს კანონებით, ამ დებულებით, მცხეთის მუნიციპალიტეტის საკრებულოს დადგენილებებით და სხვა ნორმირებული აქტებით.

2 სასაბუღალტროს სრულის სახელწოდებაა “არასამეწარმეო (არაკომერციული) იურიდიული პირი “მცხეთის უფასო სასაბუღალტრო მზრუნველობამოკლებულთათვის”

3 სასაბუღალტროს იურიდიული მისამართის საქართველო, ქ. მცხეთა, დავით აღმაშენებლის ქ. #73.

4 სასაბუღალტრო არის არასამეწარმეო (არაკომერციული) იურიდიული პირი, რომელიც საკუთარი სახელით იძენს უფლებებსა და მოვალეობებს, დებს გარიგებებს ფიზიკურ და იურიდიულ პირებთან და სასამართლოში შეუძლია გამოვიდეს მოსარჩელედ და მოპასუხედ.

5 სასაბუღალტროს გააჩნია იურიდიული პირის ყველა ატრიბუტი დადგენილი წესით რეგისტრირებული მრგვალი ბეჭედი თავისი დასახელებით, შტამპი, ბლანკი, დამოუკიდებელი ბალანსი, სათანადო ანგარიშები და იურიდიული პირის სხვა რეკვიზიტები.

მუხლი 3. სასადილოს საქმიანობის მიზანი და საგანი:

სასადილოს მიზანია სოციალურად დაუცველი და მზრუნველობას მოკლებული მოსახლეობის კვება.

მუხლი 4. სასადილოს მართვა:

1 სასადილოს მართვას ახორციელებს მცხეთის მუნიციპალიტეტი სასადილოს აღმასრულებელი დირექტორის მეშვეობით, რომელსაც თანამდებობაზე ნიშნავს და ათავისუფლებს მცხეთის მუნიციპალიტეტის საკრებულოს თავმჯდომარე.

2 მხოლოდ დამფუძნებელი _ მცხეთის მუნიციპალიტეტის საკრებულოა უფლებამოსილი:

ა) შეცვალოს სასადილოს წესდება, გადაწყვიტოს მისი რეორგანიზაციისა და ლიკვიდაციის საკითხი;

ბ) შეიძინოს და გაასხვისოს ძირითადი საშუალებები;

გ) განასზღვროს საქმიანობის ძირითადი პრინციპები;

დ) მიიღოს გადაწყვეტილებები კანონმდებლობით გათვალისწინებულ სხვა შემთხვევებში;

3 აღმასრულებელი დირექტორი:

ა) საქმეებს უძღვება ერთპიროვნულად, მასვე ეკისრება სასადილოს წარმომადგენლობა და პერსონალურად აგებს პასუხს მისი საქმიანობის სწორად წარმართვაზე; დადგენილი წესით ნიშნავს და ათავისუფლებს სასადილოს თანამშრომლებს;

ბ) მცხეთის მუნიციპალიტეტის საკრებულოს თავმჯდომარეს წარუდგენს სასადილოს სტრუქტურას, სამტატო განრიგს და ხელფასის ფონდს დასამტკიცებლად;

გ) კანონმდებლობის შესაბამისად განაგებს სამსახურის ფინანსურ და მატერიალურ საშუალებებს, ეკისრება პერსონალური პასუხისმგებლობა სასადილოს სარგებლობაში არსებულ ქონებაზე, ფულადი სახსრების მიზნობრივად ხარჯვაზე;

დ) დადგენილი წესით ხსნის ანგარიშებს და ახორციელებს კანონით გათვალისწინებულ შესაბამის გადარიცხვებს;

ე) წარმართავს შრომით ურთიერთობებს, დებს შრომით ხელშეკრულებებს;

ვ) კომპეტენციის ფარგლებში გამოსცემს ინდივიდუალურ სამართლებრივ აქტებს, ახორციელებს სასადილოს ფუნქციონირებისა და განვითარებისათვის აუცილებელ კანონმდებლობით ნებადართულ სხვა საქმიანობას;

ზ) უზრუნველყოფს დამფუძნებლის გადაწყვეტილებათა შესრულებას.

მუხლი 5. სასადილოს ქონება

სასადილოს ბალანსზე არსებული ქონება, სხვა ქონებასთან ერთად გამოიყენება მხოლოდ დებულებით დასახული მიზნებისა და ამოცანების შესასრულებლად.

მუხლი 6. სასაბუღალტრო ფინანსური სახსრები

1. სასაბუღალტრო ფინანსური სახსრებია:

ა) მცხეთის მუნიციპალიტეტის ბიუჯეტიდან გამოყოფილი მიზნობრივი სახსრები, რომლებიც გამოიყენება მხოლოდ სასაბუღალტრო დებულებით განსაზღვრული მიზნებისა და ამოცანების განსახორციელებლად;

ბ) საქართველოს კანონმდებლობით ნებადართული სხვა შემოსავალი.

მუხლი 7. სასაბუღალტრო საქმიანობის ბუღალტრული აღრიცხვა-ანგარიშგება

სასაბუღალტრო ვალდებულია საქართველოს კანონმდებლობით დადგენილი წესით აწარმოოს საფინანსო-ეკონომიკური საქმიანობის აღრიცხვა-ანგარიშგება, შეადგინოს ბალანსი და დადგენილ ვადაში წარუდგინოს მცხეთის მუნიციპალიტეტის საკრებულოს.

მუხლი 8. სასაბუღალტრო საქმიანობის კონტროლი:

1 სასაბუღალტრო საქმიანობის კონტროლს ახორციელებს დამფუძნებელი _ მცხეთის მუნიციპალიტეტის საკრებულო.

2 საჭიროების შემთხვევაში დამფუძნებელი ნიშნავს კონტროლიორს ან ავალებს სასაბუღალტრო საქმიანობის კონტროლს მცხეთის მუნიციპალიტეტის გამგეობის შესაბამის სამსახურს.

3 სასაბუღალტრო საქმიანობის კონტროლს სახელმწიფო მაკონტროლებელი ორგანოები ახორციელებენ კანონმდებლობით დადგენილი წესით.

მუხლი 9. სასაბუღალტრო რეორგანიზაცია-ლიკვიდაცია:

1 სასაბუღალტრო რეორგანიზაცია-ლიკვიდაცია ხორციელდება საქართველოს კანონმდებლობით დადგენილი წესით.

2 სასაბუღალტრო ლიკვიდაციის დროს მისი ქონება უბრუნდება მუნიციპალიტეტს.

3 სასაბუღალტრო ლიკვიდაცია ხორციელდება დამფუძნებლის ან სასამართლოს გადაწყვეტილებით.

მუხლი 7. დასკვნითი დებულებები:

სასაბუღალტრო წესდების დამტკიცება, მასში ცვლილებების და დამატებების შეტანა ხორციელდება მცხეთის მუნიციპალიტეტის საკრებულოს მიერ საქართველოს კანონმდებლობის შესაბამისად.